



Tusagassiorfinnut

KNI A/S

J. M. Jensenip Aqq. 2 • Postboks 3030
3911 Sisimiut • Grønland
T +299 86 24 44 • F +299 86 23 96
www.kni.gl

31. oktober 2016

Ikkummatissap akia apparneqarpoq

Ikkummatissap akia literimut 18 øre-mik apparneqarpoq. Akit nutaat 1. november 2016 atuutilissapput.

Taamaalilluni gasolie, petroliu aamma benzina literimut 18 øre-mik akikillissapput.

Polaroil-ip akigititai 1. november 2016-imiit imaalissapput:

- Gasolie/diesel: literimut 5,93 kr.-imiit 5,75 kr.-imut appartinneqarpoq avatangiisinut akitsuut literimut 10 øre-usoq ilanngullugu.
- Petroleum: literimut 6,04 kr.-imiit 5,86 kr.-imut appartinneqarpoq avatangiisinut akitsuut literimut 10 øre-usoq ilanngullugu.
- Benzin: literimut 5,78 kr.-imiit 5,60 kr.-imut appartinneqarpoq avatangiisinut akitsuut literimut 10 øreusoq ilanngullugu.

Taamatuttaa Jet A-1 (timmisartup orussaa) literimut 18 øre-mik akikillissaaq, 5,96 kr.-imiit 5,78 kr.-imut.

Akikilliliineq una september 2014-ip kingorna, nunarsuarmi ikkummatissap akiata appariartulerneraniit, akinik appaanerit sisamassaraat. Ikkummatissap akia 2014-imi aasaanerani taamaalilluni literimut 90 øremik akikinnerulerpoq, tamannalu ukiumut 112 mio. kr.-init missaanni atuisartunut oqilisaassissaaq.

Ukioq manna ikkummatissamik Nunatsinnukaassassaaq Göteborg-imi ullualunnguit qaangiuppata umiarsuarmut issoraanneqassaaq, novemberillu qiteqqunnerani Nuummut Kangerluarsorutsimullu nunnigunneqassalluni. Tunumut Qaanaamullu ukiussamut peqqumaasersuineq naammassineqareerpoq, Nunattalu sinnerani inoqarfinnut ukiussamut peqqumaasersorneq ingerlanneqassalluni.

Historiske forbrugerpriser på brændstoffer:

Ikkummatissat imerpalasut akiisa ineriartornerat


Dato/måned	År	Gasolie	Petroleum	Benzin	
01-aug	2014	kr. 6,65	kr. 6,76	kr. 6,50	Inkl. miljøafgift
01-dec	2014	kr. 6,41	kr. 6,52	kr. 6,26	Inkl. miljøafgift
30-apr	2015	kr. 6,20	kr. 6,31	kr. 6,05	Inkl. miljøafgift
05-jan	2016	kr. 5,93	kr. 6,04	kr. 5,78	Inkl. miljøafgift
01-nov	2016	kr. 5,75	kr. 5,86	kr. 5,60	Inkl. miljøafgift





Takussutissiamut matuma ataaniittumut atatillugu oqaatigineqassaaq, Polaroil-ip ikummatissaq tunisartagaa annikilliarformat, maanna ukiumut 125 mio. literip missaaniilersimalluni. Tamanna 2009-imi ikummatissamut tunineqartartup 75 %-iinnerivaa. Ikummatissamik atuinikinnerulerneq pissuteqarpoq erngup nukiganik innaallagissiorfiit atornerarnerulersimanerinit, kiisalu illut oqor-saasarsorneqarnermikkut oqornerulersimanerannit, aammalu kiassaait motorillu allat nutaaliaa-nerusut orsussamik atuinikinnerusut atornerarnerulersimanerinit.

Ikummatissaq tunineqartoq annikillismagaluartoq, taamaattoq aningaasartuutit aalajangersimasut appartinneqaannarsinnaanngillat, ikummatissaasiviit ikilineqanngippata, taamaalilluni literimut ag-guaqatigiissitsinermi aningaasartuutit 45 øre-mik qaffasinnerulersimapput, kiisalu aamma ataani takussutissiamut atatillugu erseqqissarneqassaaq ikummatissap Nunatsinni tuniniarneqarnera Danmarkimut sanilliullugu aningaasartuuteqarnarnerummat.



Inussiarnersumik

Tage Lindegaard
Energidirektør
Polaroil
Email: tal@kni.gl

Polaroil

Namminersorlutik Oqartussat KNI A/S-illu akornanni kiffartuussinissamik isumaqatigiissut naapertorlugu ikummatissamik imerpalasumik Nunatsinni Polaroil pilersuisussaataivoq. Isumaqatigiissummi aalajangersar-neqarsimavoq Polaroil ikummatissamik tuniniaanermini qanoq atsigisumik iluanaaruteqarsinnaatitaanersoq. Kalaallit Nunaanni ikummatissaq literimut qanoq akeqassanersoq makkunannga toqqammaveqarluni aalajan-gersarneqartarpoq: Nunarsuarmi uuliap akuiarneqanngitsup akia, uuliamik akuaavinni akit, amerikarmut aningaasaata dollarip nalinga, umiarsuarmik Nunatsinnukaannera, sillimmasiineq, Nunatsinni inoqarfinnut as-sartuineq, ingerlatsinermi aserfallatsaaliuinermilu aningaasartuutit.

